

582:
MAHATHIR

1976

SEGAMAT, 30 APRIL (BERNAMA) -- DR. MAHATHIR MOHAMED HARI INI MENYERU ORANG-ORANG MELAYU SUPAYA +MENDESAK+ DIRI SENDIRI DALAM USAHA MEMPERBAIKI TARAF HIDUP MEREKA YANG JAUH KETINGGALAN.

TIMBALAN PERDANA MENTERI MENAMBAH, SIKAP ITU MESTILAH DIJADIKAN PEGANGAN UNTUK MEMPERSEIMBANGKAN KEADAAN HIDUP MEREKA DENGAN LAIN-LAIN KAUM.

+JIKA KITA TIDAK SANGGUP MENKRITIK DIRI SENDIRI SERTA MEMBETULKAN KESALAHAN YANG ADA, ORANG MELAYU SUKAR MENCAPAI KEMAJUAN SEPERTI YANG DIHARAPKAN, + KATANYA

BERUCAP MERESMIKAN SIDANG PERAWAKILAN UMNO BAHAGIAN LABIS DI SINI.

BELIAU JUGA MENYATAKAN, KERAJAAN SEDIA MEMBERI PERTOLONGAN KEPADA ORANG MELAYU TETAPI BIARLAH PERTOLONGAN ITU DIBERIKAN KEPADA ORANG YANG BENAR-BENAR SANGGUP MENJALANKAN USAHA DENGAN SEMPURNA.

TEGASNYA, ADALAH TIDAK BERFAEDAH SEPERTI MEMBERI LESEN-LESEN KEPADA MEREKA YANG TIDAK BERUPAYA MENJALANKANNYA DENGAN SEMPURNA.

TEGASNYA, KERAJAAN BERUSAHA MENINGGIKAN TARAF HIDUP ORANG MELAYU SUPAYA MEREKA TIDAK IRI HATI DENGAN KEMAJUAN PESAT YANG DICAPAI OLEH BANGSA-BANGSA LAIN.

BAGAIMANAPUN, TAMBAHNYA, ADA GOLONGAN YANG TIDAK INGIN MELIHAT PERSEIMBANGAN KAUM DARI SEGI KEMAJUAN DI NEGARA INI.

MEREKA BERUSAHA MENYEKAT SEGALA USAHA KERAJAAN MENCAPAI MATLAMAT ITU, TETAPI TIDAK BERJAYA MENDAPAT SOKONGAN RAKYAT. -- BERSAMBUNG 1603/SZ

583:
MAHATHIR 2 SEGAMAT

DR. MAHATHIR MENEGASKAN KERAJAAN TIDAK AKAN MENYINGKIRKAN SESIAPA PUN DALAM NEGARA INI DALAM USAHA MENGUJUDKAN PELUANG UNTUK ORANG MELAYU.

DR. MAHATHIR YANG JUGA NAIB PRESIDEN UMNO MALAYSIA BERKATA, UMNO MERUPAKAN SEBUAH PARTI YANG MEMENTINGKAN PERPADUAN DI KALANGAN KAUM.

INI TELAH DIBUKTIKAN SEJAK SEBELUM MERDEKA LAGI DIMANA UMNO TELAH MENERIMA MCA DAN MIC BERGABUNG DALAM PERIKATAN UNTUK MENUNTUT KEMERDEKAAN.

KATANYA, KERAJAAN MELATIH PARA BELIA MELAYU DI DALAM BERBAGAI BIDANG SUPAYA MEREKA BERKELAYAKAN MELAKSANAKAN SEGALA PROJEK-

PROJEK PEMBANGUNAN YANG DISEDIAKAN OLEH KERAJAAN.

TURUT BERUCAP IALAH KETUA UMNO BAHAGIAN ITU YANG JUGA MENTERI PERUSAHAAN UTAMA, DATO' MUSA HITAM. -- BERNAMA 1605/SZ